

Ibrahima Mržljaka 69

77230 Velika Kladuša



07-04-2011.
ŠNA - A. Šidović, seć DV
- Poslovnice
- procedura
OPĆINA VELIKA KLADUŠA

Komisija za utvrđivanje prijedloga naziva ulica,
trgova, javnih ustanova i naseljenih mjesta

PREDMET: Inicijativa za promjenu naziva ulice

Sadašnji naziv ulice: Maršala Tita s promjenom naziva u Nijaz Miljković

Sa velikim interesom obraćamo se Komisiji za utvrđivanje prijedloga naziva ulica, trgova, javnih ustanova i naseljenih mjesta općine Velika Kladuša i nadom za razumijevanje, da u skladu sa mogućnostima udovolji ovoj inicijativi.

Ne umanjujući značaj, veličinu i vrijednosti koje karakterišu dosadašnji naziv ulice, smatramo da se ovoj inicijativi treba dati prilika koja je prije svega u interesu općine Velike Kladuša i njenih građana, a posebno svih onih koji znaju cijeniti vrijednosti jednog novog naraštaja i žrtve kojoj su bili izloženi u stvaranju, odnosno odbrani ovih prostora. Ne smijemo sebi dozvoliti da zaboravljamo.

Moralna odgovornost nas obavezuje da moramo znati cijeniti pojedince koji svojim primjerom karakterišu osobitost ljudi sa ovih prostora, a takav je bio rahmetli komandant Nijaz Miljković.

Nijaz Miljković bio je prije svega čovjek, otac i suprug, patriota i omiljeni komandant na čelu jedinica koje je vodio i s kojima se borio za oslobađanje okupiranih dijelova i njihovo vraćanje u ustavno-pravni poredak Bosne i Hercegovine.

Bio je istinski posvećen očuvanju mira i putu pomirenja u svojoj Krajini koju je i beskrajno volio. Ovim činom ćemo služiti kao primjer mladim naraštajima koji trebaju da nastave tamo gdje je rahmetli Nijaz Miljković stao.

U nadi da će inicijativa biti jednoglasno prihvaćena srdačno vas pozdravljamo.

S poštovanjem!

Miljković Jasmina